

829
1810
237(1)

中國方志叢書·華南地方·第二三二號


據

清·潘拱辰等纂修
清康熙三十九年修，民國十七年重刊本

影印

福建省

松溪縣志



成文出版社有限公司印行

245064
7010575



中國方志叢書·華南地方·第二三二號


據

清·潘拱辰等纂修
清康熙三十九年修，民國十七年重刊本

影印

福建省

松溪縣志



成文出版社有限公司印行

sk50/ok



中華民國六十四年六月臺一版

松溪縣志

全二冊

發行人：黃 成 助

出版者：成文出版社有限公司

台北市郵政信箱二二六〇五號
台北市羅斯福路三段二四〇巷五號

印刷者：成文出版社有限公司

內政部登記證內版台業字第一一四七號

民國^{十七}戊辰年翻印

松溪縣志

臨川章瑞庭印

翻印志書序


考我邑志乘修於清康熙間潘遠亭邑侯拱辰續補於乾隆間范式齋孝廉維憲迄今二百餘年未曾繼修徒令識者興文獻失墜之嘆殊吾邑一憾事也民國丙辰省議會提議重修通志 省長檄各邑續修縣志吾松雖有倡修之議並附加丁糧爲修志之費第以協修非人旋即罷廢此欸亦撥作他項開用使人愈增傷痛耳現查我邑志書徧搜全邑藏書故家僅得兩部尙復鼠蠹噬蛀不全際茲一髮千鈞之時既不能如議纂修尙不設法

廣爲印布聽其殘闕無遺使後來者欲修志乘而
無所本不更令人悲傷乎樹模家數代業儒存有
志書一部清咸豐間遭髮逆之變先曾祖諱一清
公將志書隨身攜帶隱匿村落致未遭兵燹逮同
治間邑侯王治亭若金覺羅文華亭英汪冕齋興
禕及光緒間朱蓮星典煌楊松樵慶容李蘭生澤
春王吉驤士人楊問渠兆清先後向余家借閱致
人物選舉職官各志卷冊遺失幸是時故家尙有
藏本輾轉借鈔復成全璧況當此四郊多壘之秋
使不及時重行印刷廣爲流傳吾恐再閱數十年

後七生英俊欲考尋邑中文獻披覽縣志想無一字之留遺矣樹模特爲此懼因邀集同志若干人共捐私貲若干將舊志重行翻印至康熙乾隆以後亦就聞見所及編爲續志稿另訂一冊附於志後非敢曰續修前志亦聊以備一邑之掌故云爾是爲序

時

中華民國十七年冬月邑後學施樹模楷庭氏謹識



卷之四

巨野

水全

七

志序


昔歐冶子鑄劍薛燭相之舉豪曹巨闕純鈞湛
盧之屬皆能視其鋌辨其文而知其賈之所直
洵乎作者難而識者匪易也余於松溪邑志而
識作者之用心矣松故中邑舊乘殘叢潘子以
史才宿學來尹茲土慨然起而修之書成問叙
於余余讀終卷輒然曰偉哉是編有二美焉夫
山經地志誇多鬪異或飾繁富夥鉤之盛或蒐
丹砂水碧之奇易世而後害中厥鄉是以杜若
之采竟下房州龍團之貢賢者不免潘子曰吾

惟載其地之所常有而不侈其地之所不常有
則其庇松民者豈僅一二世已哉此志之善者
一矣當今

聖天子澤徧遐陬越裳肅慎重譯來朝正海不揚
波時也然寇賊姦宄虞廷是飭伏戎于莽羲爻
垂象況松實阨阻環瀛阻嶺站鳶挂猱扼抗拊
背懸車束馬無事則舟車來往有事則襟帶咽
喉潘子曰無謂一邑之烽煙無關於東南之民
命也故厯載秦漢兵氛以趾於今俾後之任茲
邑者咸凜然知形勢所在而不敢不悉心於保

障則其庇松民者又豈僅一二世已哉此志之
善者又一矣夫平居不以食貨貽憂而擾攘復
知所備禦松邑之民其久安乎民安然後俗阜
俗阜然後政行政行然後化美化美然後吏職
盡而皆於斯編深寄意焉潘子之才其僅足宰
此邑也乎昔者子游宰武城夫子以牛刀爲喻
余雖未及傾耳絃歌然望斗牛而知寶劍之精
上燭於天也況湛盧之峯近在邑中潘子鳴琴
而治余知其志在山水間矣至蒐討之勤闕疑
之慎潘子自能言之也

賜進士第奉政大夫提督福建通省學政按察使
司僉事戶部浙江清吏司郎中刑部四川清吏
司員外郎湖廣清吏司主事丁丑科會試同考
試官前四川江津縣知縣庚午科鄉試同考試
官咸平司百職撰



松溪縣志序

巖疆僻遠轍跡未經一旦使數十里之民物山川數百年之廢興因革瞭然在目者志之爲也志爲史屬周官有外史掌邦國之志職方氏察天下之利而類其物宜是爲志坊列國春秋之際編年紀事國有專書相沿無軼迨後郡縣旣析祖吏爲志上而一統次而分省又次而千乘之都百家之邑莫不有志是環一時之宇內而計之恒不啻有幾伯什史也郁郁乎盛哉顧其間或方隅肇建紀載經營實煩創始繼而起者

類皆踵事增華因雕成飾等諸聖土塗丹而已
然而始基率畧貽後來羞補葺荒涼爲前人累
咎各有肩相形益出又寧得謂纂修之責獨可
漫然從事而易之茲建寧當閩省上游松溪隸
建爲中邑環山設治地僅曹滕無所謂瑰景大
觀傳聞海內亦鮮有奇珍異產利用人間第彈
丸僻壤猶然鄉遂之遺繞郊巨野者居接霽耕
連井出入守望噢咻作育斯民之牛聚長吏之
教養胥於是乎在况

聖朝弘擴九有禹甸之外蛟人魚服咸歸聲教競

就彬彬矧此松源故地近隣吳越秀毓溪山人
傑誕生名賢過化忠定劍堂紫陽吟室遺踪故
址猶有存焉熙熙之衆遭際休明鼓歌耕鑿安
樂有年其戶口田疇之自耗而登文物衣冠之
轉衰而盛與德業聲施之足以繼往開來者何
人功名政治之可以信今傳後者何事按籍披
圖使人俯仰低徊而自遇者一一焉皆志乎是
賴乃余秉節劍南自下車之始取閱郡邑乘志
惟松溪止抄本二帙且舛謬殘缺僅存影嚮維
時實爲厯念祗以自愧不文蓄焉有待不期爾

後之來令此方者爲潘岳後身留心典故怒然於舊志之弗完輒以櫛梳餘閒潛搜博採重加編輯積歲成書書成請余一言弁首余閱牒而喜嘉其勤也又適符我素志徐爲披覽全策計已增舊而倍未嘗冗贅中亦節有芟除不疑疏漏綜覈謹嚴詳畧合度其條目綱領一遵志例而校訂裁成實參學問如首言建置沿革數千百年諸說並列異同弗斷博而能闕宛存史氏遺風他若俗尚之淳漓政教之緩急形勢扼塞封疆壺橐之計與夫桑麻禾麥魚鹽竹木篠簜

墳壚泉源陂澤之迹稍闕治理罔有或遺而於
前徽先烈尤獨致意故凡遼壤僻莽之間偶有
一人一事之可以表章取則者卽年代遷殊時
移勢改於蒙蒼蔽翳中必爲洗發本來使之誼
然傳播揄揚摭拾一本乎誠如此外而叙次灾
祥附書及見品題風月雅有新裁快心盡致體
無不備善亦俱兼以之鑒示來茲師資不替尙
復何恨視向之影響僅存殘缺舛謬者爲何如
哉斯志之成云修實創不惟爲前志之功臣卽
謂松溪未嘗有志而有之自此始也可則亦幸